

## 履卦第十（下兌澤 上乾天 — 天澤履卦）



【履】，履虎尾，不咥人，亨。

1. 履、否、同人諸卦舊脫卦名。本卦辭履字前當有【履】字，以示卦名，蓋古人傳寫脫誤，觀彖傳可知。
2. 履，踐履也，有所躡而進也。爾雅釋言：履，禮也，有踐履而不可違禮之義。故履卦象徵循禮而慎行之義。
3. 履卦意指人應小心循禮而行，猶如行走於虎尾而不被咬傷，雖有危險，謹慎行事，可致亨通。其卦德下兌悅、上乾健，六三爻以柔悅行於乾健之下，有履危不見害而獲亨通之象。 ①咥，音謀，咬也。
4. 孔穎達曰：履卦之義，以六三為主，六三在兌體，兌為和說，以應乾剛，雖履其危而不見害，故得亨通，猶若履虎尾不見咥齧於人。
5. 序卦傳：物畜然後有禮，故受之以履。

彖曰：履，柔履剛也。說而應乎乾，是以履虎尾，不咥人，亨。  
剛中正，履帝位而不疚，光明也。

1. 彖傳曰：履卦以六三為卦主，六三行於乾剛之後，有以柔履剛之象，亦即卦辭履虎尾之意。卦德下兌悅、上乾健，即卦主六三居兌體之上，以應上體之乾健，有以和悅應合剛健之象。乾德剛正，六三柔悅以應之，因此有卦辭「履虎尾，不咥人，亨」之意。
2. 王弼曰：履虎尾者，言其危也。三為履主，以柔履剛，履危者也。履虎尾有

不見啣者，以其說而應乎乾也。乾，剛正之德者也，不以說行乎佞邪，而以說應乎乾，宜其履虎尾不見啣而亨。

3. 李士鈞曰：身處世間，莫匪危機，所恃以存者禮耳，有禮則安，無禮則危，詩曰：人而無禮，不死何俟？有禮所以不死也。禮主乎敬，履虎尾，敬之甚矣。禮貴乎和，不啣人，和之至矣。嘉會以合禮，履之所以亨也。
4. 而九五爻陽剛中正，高居君位，君臨天下而無疵病者，以其有光明之美德。

◎疢，疵病也。

5. 孔穎達曰：以剛中而居帝位，不有疾病，由德之光明故也。
6. 楊增新曰：孟子云，行一不義，殺一無辜，而得天下，不為也。必如此而後謂之不疢光明。
7. 孔子曰謂魯哀公曰：丘聞之，君者，舟也；人者，水也。水則載舟，水則覆舟，君以此思危，則危將安。夫執國柄，履民之上，凜乎如以腐索御奔馬。易曰「履虎尾」，詩曰「如履薄冰」，不亦危乎。此與彖傳所言「剛中正，履帝位而不疢」之意相符。

象曰：上天下澤，履；君子以辯上下，定民志。

1. 大象傳曰：履卦下兌澤、上乾天，故有上天下澤，尊卑有別之象。此上下居

位者之正理，人之所履當如是也，故取為履卦之象。

2. 方孔炤曰：不曰天下有澤，澤在天下，而曰上天下澤，所以嚴大分也。
3. 劉沅曰：上下有定分，即有定理。位各稱其德，士各修其業，人各恭其分，禮存乎其間矣。
4. 君子者當效法履卦上天下澤，尊卑有別之象，辨別上下之分，制定尊卑之禮，

以端正安定人民之心，使其知所遵循踐行，而能尊卑有序。

◎辯，通「辨」，辨明也。 ◎定，有端正、安定之意。

5. 程頤曰：天在上，澤在下，君子觀履之象，以辯別上下之分，以定其民志。夫上下之分明，然後民志有定，民志定，然後可以言治。
6. 司馬光曰：禮者，人之所履也。民生有欲，喜進務得而不可厭者也，不以禮節之，則貪侈無窮。是故先王作，為禮以治之，使尊卑有等，長幼有倫，然後上下各安其分，而無覬覦之心。此先王制世御俗之方也。
7. 馬振彪曰：人之所履，各行其志，志光明則所履亦正大而光明。然志不可見，

於履見之，欲定民志，即定之於所履，故上下之分不可不辨，分最著者，莫過於上天下澤，上之所履如天健之無私，下之所履如澤悅之無忤，則民志大定。

初九，素履，往無咎。

象曰：素履之往，獨行願也。

1. 初九陽剛得位，無應無比，處履卦之始，安守卑下樸素之禮，踐而行之，以

此為履，必無咎害。 ◎素履，謂履行樸素無飾之禮。

2. 李士鈇曰：初九處履道之始，無位之地，外不求應，內不失正，素位而行，無假緣飾。禮曰，甘受和，白受采。初之素，禮之本也。

3. 王弼曰：處履之初，為履之始，履道惡華，故素乃無咎。

4. 象傳曰：初九能安於卑下，履行樸素無飾之禮，乃因其心無雜念，能專注奉

行依禮而行之心願。 ◎獨行，謂專注奉行。

5. 馬振彪曰：中庸所謂，素其位而行，不願乎其外。即此爻義。

6. 程頤曰：安履其素而往者，獨行其志願耳，若欲貴之心與行道之心交戰於中，豈能安履其素也？

九二，履道坦坦，幽人貞吉。

象曰：幽人貞吉，中不自亂也。

1. 九二陽剛居中，履道順暢，猶如行走於平坦大道之上。又其陽剛而謙居柔位，

故其性情寬裕，處事謹慎，猶如安靜恬淡之人，能謹守正道而獲吉祥。

◎幽人，謂性情幽靜恬淡之人。

2. 程頤曰：九二居柔，寬裕得中，所履坦坦然平易之道也。雖履得坦易之道，亦必幽靜安恬之人處之，則能貞固而吉也。

3. 象傳曰：九二安靜恬淡之人，能謹守正道而獲吉祥者。乃因其性情寬裕，處

事謹慎，不自行淆亂其依禮而行之心願。

4. 梁寅曰：夫行於道路者，由中則平坦，從旁則崎險。九二以剛居中，是履道

而得其平坦者也，持身如此，乃君子不輕自售，而安靜恬淡者，故為幽人貞吉。

六三，眇能視，跛能履，履虎尾，咥人，凶；武人爲于大君。

象曰：眇能視，不足以有明也。跛能履，不足以與行也。咥人之凶，位不當也。

武人爲于大君，志剛也。

1. 六三陰居陽位，不中不正，履道不順卻盲動妄為，有眼盲而強看，腳跛而強

行，履行於虎尾之後，而為猛虎咬噬之象，故有凶險。

◎眇，音秒，目盲也。 ◎而，通「能」字，兩字音近可通。

2. 王弼曰：居履之時，以陽處陽，猶曰不謙，而況六三以陰居陽，以柔居剛者乎？故以此為明，眇目者也，以此為行，跛足者也，以此履危，見咥者也。

3. 而六三為一卦之主，柔據剛位而欲群陽歸之，以武人之質而欲履九五之尊，

乘時而僭越君位。 ◎武人，勇武之人，指六三。 ◎大君，指九五。

4. 孔穎達曰：以六三之微，欲行九五之志，頑愚之甚。

5. 象傳曰：謂六三眼盲而強看，說明其已無辨物之明；而腳跛而強行，則說明

其已無征戰之能。而有為猛虎所傷之凶險，則說明其上應乾健而下乘剛，居

位不中不正，極其不當。而其以武人之質而欲履九五之尊，則說明其意志極

為剛強。

6. 馬其昶曰：六三位不中正，竊據眾陽，動而有應。為于大君，謂其有僭君之志，乾剛為大君，六三志欲化乾，而不知其凶之甚也。聖人懼人謂其足以有明，足以與行，而妄附之，故反覆申說其辭。

7. 馬振彪曰：陰柔害物，志不可測，剛復自用，浸成尾大不掉之憂。莽、操擅權竊國，何嘗不外示優柔，謙恭自抑，而其心覬覦非分，儼若虎視眈眈，其欲逐逐，凶有不可勝言者，聖人取象於履之六三，懲惡而勸善也。

九四，履虎尾，愬愬，終吉。

象曰：愬愬終吉，志行也。-

1. 九四陽剛失位，近君多凶，有履虎尾之危，惟其以陽居陰，有謙遜、戒慎恐懼之象，故其終獲吉祥。 ◎愬愬，音素，戒慎恐懼貌。
2. 高誘呂覽注云：居之以禮，行之以恭，畏懼戒慎，如履虎尾，終必吉也。
3. 朱熹曰：九四亦以不中不正，履九五之剛，然以剛居柔，故能戒懼而得終吉。
4. 象傳曰：九四以陽居陰，有謙遜、戒慎恐懼之象，而終獲吉祥者，乃因其能堅持依禮而行之心意。
5. 俞琰曰：履以和行，故六三之志徒剛，九四之志則行。
6. 劉沅曰：三，才本柔暗而志剛猛，所以觸禍；四，才本剛明而志恐懼，所以免禍。初之獨行者，遠君也。四之志行者，近君也。顯晦之所履不同，而其道皆吉。
7. 黃壽祺曰：本卦中凡見履虎尾者三：(1) 見於卦辭中，取上下卦之以和悅上應剛健之象，故為不啞人而亨。(2) 見於六三爻，以其乘剛妄動，違背履道，故啞人而凶。(3) 見於九四爻，以其陽剛謙遜，戒慎恐懼，故得終吉。此三者不同，卦辭在闡釋一卦之義，而爻辭則分別在說明一爻之旨。

九五，夬履，貞厲。

象曰：夬履貞厲，位正當也。

1. 九五陽剛中正，高居君位，有履道敬謹，剛斷果決之象。惟以剛居剛，若剛決過甚，或有專斷之失而違正道，故戒其守正以防危厲。◎夬，音怪，決也。
2. 干寶曰：九五居中履正，為履貴主，萬方所履，一決於前，恐夬失正，恆懼危厲。
3. 李光地曰：履道貴柔，九五以剛居剛而決於履也。然以其有中正之德，故能常存危懼之心，則雖決於履，而動可無過舉矣。書云，心之憂危，若蹈虎尾。此其所以履帝位而不疚也與？
4. 象傳曰：九五履道敬謹，剛斷果決，能守正以防危厲，乃因其居位正當，有中正之德，常存危懼之心，故決履有道。
5. 馬其昶曰：九五乃彖傳所謂剛中正履帝位者也，知厲乃能不疚而光明，故夬亦曰其危乃光也。上天下澤之中，一陰為梗，以位正當之九五，決位不當之

六三。彖書履帝位者，所以正名定分，黜武人之爲于大君，亦猶春秋之志也。

上九，視履考祥，其旋元吉。

象曰：元吉在上，大有慶也。

1. 上九居履卦之終，陽居陰位，剛而能柔，履道敬謹，能明鑒履道之得失，考察禍福之徵兆，使不善皆旋歸於善，故獲得大吉。 ◎視履考祥，謂明鑒履道之得失，考察禍福之徵兆。 視，鑒也。 考，察也。 祥，機也，吉兆也。
2. 王弼曰：禍福之祥，生乎所履，上九處履之極，履道成矣，故可視履而考祥也。而其居極應說，高而不危，是其旋也。履道大成，故元吉也。
3. 李士鈺曰：鑒於六三之不善，而旋復於善，克己以復禮，盡人而合天，履道成而乾德粹矣。
4. 汪德鉞曰：履者，禮也。民受天地之中以生，是以有動作威儀之則，能者養之以福，不能者敗以取禍，故曰視履考祥。
5. 象傳曰：上九之獲得大吉而高居上位，乃以其個人有福而全民有慶也。
6. 劉沅曰：上九以陽居陰，是有剛德而能小心者也，當履之終，前無所履，可以回視其履。大有慶即元吉，喜其慎終如始，故美之。